

On vî ome, plin d' coradje, à pus d' quatrè vints-ans
Do trèvint dèl Tossint, aveut planté chîs-aubes ;
Bâti, ça passereut co ! Mins planter tot s' vantant
Qu'i 'nn'a mètu dès mile dispû qu'il a dèl baube !
Vèyant ça, tot sbarés, trwès grands djon.nias do cwin
Èstin.n' à pau près sûrs qui l' vî ome ragadeleûve :
« À dès parèyès-âdjes, tûzer au lèddimwin ?
Po qwè fé s' trècasser po l' pétrâle èt lès cheûves ?
À qwè ç' qui ça pôreut sièrvu d' tûzer si lon ,
Di sèmer èt r'piquer sins yèsse là po l' rauyadje ?
Ci qui n' cût nin por vos, lèyîz l' brûler po d' bon !
Contintez vos d' mougîn èt lèyîz nos l' bagadje !
– Ni v's-èfoufyîz nin d' trop ! Li ci qu'èst pa-d'zeû nos
Èt qui rabat lès rôyes, i fait ça sins-ôrlodje !
Waîtîz tot-autoû d' vos, èt adon vos vièroz :
Chaque côp qu'i tape à gâyes, nos compurdans à fotche.
Gn-a-t-i onk di vos-ôtes qui pout acèrtiner
Qui mi, maugré mès-ans, dji n'îrè nin su s' fosse ?
Tos lès frûts qui vègnenut di tot ç' qu'on-z-a planté
Profiteront à n-on-l'ôte, èt qu'i cosse ci qui cosse ! »
Come ça sorvint tofêr, noste ome aveut raïson :
Li pus grand dès galiârd, en route po l'Amérique,
On l'a r'trové nèyî, èt l' prinde por on pèchon.
L'ôte, c'èst s' keûr qu'a lachî après one fameûse chique.
Tot v'lant r'tayî on-aube, li trwèsyinme a tchèyu
Djus dèl chaule èt s' touwer sins-oyu l' timps d' dîre : “ Aye ! ”
Li vî ome, anoyeûs, tot brèyant, a co v'lu,
Avou dès p'tits pauquîs, su l' fosse, planter one aye.

Albert Delvaux
Décembre 2013